

Reglament: Medias e TIC¹ dil Consorzi da scola Sumvitg-Trun

Situaziun da partenza

Il Consorzi da scola Sumvitg-Trun porscha a scolaras e scolars dil scalem superiur la pusseivladad da luvrar cun Apple MacBook Pro's. Quels apparats vegnan duvrai per differents aspects d'emprender, quei era a vesta dil plan d'instrucziun 21.

Il present contract duei reglar il diever dils apparats ed igl acces als mieds electronics ed agl internet sco era il diever da tals. Il reglament vala da tut temps, ton per il diever en scola sco era a casa.

Diever dils apparats Apple MacBook Pro

Art. 1 Possess e diever

Ils Apple MacBook Pro's ein en possess dil Consorzi da scola Sumvitg-Trun. Els vegnan registrai e marcai da quel. Ultra da quei ei il Consorzi era responsabels per l'administraziun e la configuraziun dils apparats. Mintga scolara e scolar dil scalem superiur retscheiva in Apple MacBook Pro marcaus individualmein per luvrar durant il temps ch'ella/el frequenta il scalem superiur dil Consorzi. Las datas ch'ei arcunadas sil sistem restan en possess dil Consorzi. Ellas vegnan controlladas e survegladas regularmein.

Scolaras e scolars han absolutamein negin dretg da sfera privata cul diever digl Apple MacBook Pro.

Art. 2 Pensums dil Consorzi da scola Sumvitg-Trun

Ils Apple MacBook Pro's vegnan adminstrai e configurai dil Consorzi. Plinavon porscha lez ils backups necessaris. Per quellas lavurs han las scolaras ed ils scolars da colligiar lur apparats cul sistem dil Consorzi.

Art. 3 Diever digl apparat (hardware)

Las scolaras ed ils scolars drovan ils Apple MacBook Pro's per l'instrucziun. Igl ei scumandau da: far midadas vid la hardware

- metter taccaders ni decoraziuns vid igl apparat
- brattar igl apparat cun autras conscolaras ni auters conscolars
- dismetter ni vender igl apparat ni informaziuns da quei mied

Art. 4 Diever digl apparat (software)

Suandontas funcziuns ein scumandadas:

- aschuntar ni eliminar applicaziuns (programs)
- far in conto dad iTunes
- far midadas da configuraziuns (inculsivamein dalla reit)
- sincronisar igl apparat cun in computer ni in auter apparat electronic ordeifer la scola
- stizzar il decuors dil browser (program per ir egl internet)
- midar ni deactivar il plaid-clav

¹ Tecnologia dad Internet e Computer



Art. 5 Donns

- 5.1 Suandonts donns vegnan surprì dil Consorzi:
- donns da garanzia
 - donns caschunai senza cuolpa ni entras accident
- 5.2 Suandonts donns vegnan surprì dalla scolara ni dil scolar:
- donns caschunai per atgna cuolpa
 - donns caschunai per malprecauziun
- 5.3 La summa dil donn vegn mintgamai fixada dalla firma che procura per il support dils apparats.

Art. 6 Enguladetsch

Sch'in apparat svanescha ei quei dad annunziar immediatamein al Consorzi. Lez interpreten ils pass necessaris. Las circumstanzas dalla situaziun vegnan intercuretgas individualmein. Ei igl apparat svanius ni vegnius engulus muort malprecauziun, stat la scolara ni il scolar buns per il donn. Il rapport da polizia ei la premissa per ch'il Consorzi remplazzi igl apparat gratuitamein.

Art. 7 Diever a casa

Il diever digl Apple MacBook Pro a casa ei dependents dils suandonts facturs:

- ils geniturs han priu enconuschientscha dil reglament e lubeschan a lur affons dad era far diever a casa da quei apparat
- la scolara/il scolar ha la lubientscha dil Consorzi da prender a casa igl apparat

Il diever digl Apple MacBook Pro a casa ei gratuits.

Art. 8 Premissas per il diever digl Apple MacBook Pro a casa

- 8.1 Ils geniturs:
- portan la responsabladad pil diever digl Apple MacBook Pro a casa
 - han il dretg da mirar ils cuntegns
 - limiteschan il diever digl apparat el temps liber
 - ein responsabels per tut ils donns caschunai vid ils apparats a casa
 - ein responsabels per la filtraziun dil cuntegn ni limitaziuns da temps sill'atgna reit d'internet
 - ein responsabels sch'igl apparat „svanescha“ ni vegn engulus
- 8.2 La scolara/il scolar:
- pren adina igl Apple MacBook Pro cun ella/el a scola
 - astga duvra igl apparat cun autras colligaziuns digl internet (WLAN); il Consorzi porscha denton negin sustegn tecnic
 - tracta hard- e software cun tut quitausseivel
- 8.3 Il Consorzi da scola Sumvitg-Trun:
- segida ed eliminescha problems eventuals. Mintg'incap vegn protocollaus. Drova ina scolara/in scolar pliras gadas quei sustegn, astga el/ella buca pli prender igl Apple MacBook Pro a casa
 - ha negina segirada dil diever digl Apple MacBook Pro ordeifer il temps da scola. Donns cun consequenzas finanzialas van a donn e cuost dalla scolara/dil scolar, respectivamein dils geniturs (mira artechels 5 e 6!)



Diever digl internet

Il Consorzi da scola Sumvitg-Trun ei dil meini ch'igl internet seigi ina resursa nizeivla e che la scola e las scolaras/ils scolaras duegien luvrar cun quei med a moda positiva. Nus essan pertscharts dils prighels ch'il diever digl internet includa, denton ein ils avantatgs per la scolaziun aschi pesonts che l'utilisaziun digl internet sto era formar ina part dall'instrucziun, quei era aresguard il plan d'instrucziun 21.

Nus savein ch'ei dat buc ina sempla sligiaziun tecnica che garantescha ch'ils affons lavurien online a moda segira. Il dretg secutener sto vegnir emprius ed exercitaus cun survegionza. La scola e las persunas d'instrucziun ein pertschartas dalla responsabladad ch'igl access agl internet porta e sorprendan quella cun ina survegionza adeguata.

Grondas instituziuns da scolaziun han fatg l'experientscha ch'il diever memia restrictiv pertuccont filtraziuns d'internet tier affons fa buca pli segira la situaziun, perquei ch'el pren naven las responsabladad ch'ils utilisaders ston emprender cul diever da novas tecnologias.

Perquei integrein nus l'utilisaziun da novas medias en nies mintgadi, setenend denton vid claras e fermas reglas. A quellas appartegnan:

- ina tenuta clara e transparenta ed in diever acceptabel che vegnan defini en in contract il qual vegn suttascrets da geniturs e scolaras/scolars
- diever survegilau
- consequenzas da protecziun tecnicas
- consequenzas disciplinaras en cass da surpassaments enviers il contract

Nus lein tuts (persunas d'instrucziun, responsabel per TIC, menader da scola, scolaras e scolaras) far tut il pusseivel per garantir in diever digl internet aschi segir sco pusseivel.

Art. 9 Access alla reit

Scolaras e scolaras astgan duvrar mo la reit ufficiala da WLAN dil Consorzi. Il plaid-clav vegn indicau ed arcunau el zuppau dil responsabel per TIC dil Consorzi. Dues il plaid-clav vegnir alla glisch, sto il responsabel per TIC vegnir informau ed il plaid-clav midaus. Access alternativs (via telefonins ni autras reits) san buca vegnir controllai ed ein perquei scumandai.

Art. 10 Reglas pil diever dalla reit

Per tut ils utilisaders dalla scola vala:

- adressas dad e-mail duein ins dar mo a persunas da confidanza
- mintg'adresa dad e-mail dad ina fontauna nunenconuscenta sto vegnir annunziada
- vegnan cuntregns zuppai, obsens, permalonts ni schiglioc cuntregns inacceptabels scuvretgs, ston quels immediatamein vegnir communicai al responsabel per TIC
- adressas ni numeras da telefon (sco era da telefonin) s'audan buc ella reit, ni las atgnas ni quellas da conscolaras e conscolars, ni da persunas d'instrucziun
- vegnan fotografias ni videos cargai silla reit, astgan las scolaras ed ils scolaras buc esser numnai cugl entir num ed aschia restar anonims aschi lunsch sco pusseivel
- mintg'access vegn survegilaus: datas, decuors dil browser (program per ir egl internet) ein accessibels da tut temps al Consorzi ed astgan buca vegnir stizzai



Art. 11 Diever acceptau e lubiu

Scolaras/scolars san duvrar la reit dil Consorzi per intents pedagogics. Quels ein defini suandontamein:

- instrucziun
- retschercas
- formaziun cuntinuada el sectur da scolaziun
- administraziun

Tuttas lavurs che stattan en connex cun empender, derasar savida ed augmentar las atgnas cumpetenzas ein giavischadas e lubidas.

Art. 12 Diever scumandau

Igl ei strictamein scumandau da:

- dar vinavon il num digl utilisader ed il plaid-clav
- crear e dar vinavon maletgs e datas cun cuntegn permalont, obscen ni scandalus
- crear e dar vinavon material cull'intenziun da derasar tema ni curellas (cybermobbing)
- crear e dar vinavon material cugl intent da cuglienar
- crear e dar vinavon material che sa far donn a persunas
- adattar e dar vinavon material ch'ei schurmegiaus entras dretg d'autur (copyright)
- crear e dar vinavon material da marketing ni da massas per utilisaders ordeifer la scola (spam)
- dar access a persunas buc autorisadas sin installaziuns ni purschidas (hackers)

Medemamein ein activitads specificas che han cun gronda probabladad las suandontas consequenzas scumandadas:

- sfarlatar resursas dalla reit e temps da lavur da persunas d'instrucziun ni d'emploiai dil Consorzi
- donnegiar e demolir datas dad autras utilisadras/auters utilisaders
- violar la sfera privata dad autras utilisadras/auters utilisaders
- disturbar la lavur dad autras utilisadras/auters utilisaders
- bloccar il survetsch per autras utilisadras/auters utilisaders (per exempel cun scargar igl access senza risguard → sitecrashing)
- diever da soft- e hardware che ha procurau per disturbis ed ei perquei sclaus dalla scola
- maldiever dalla reit da scola ni resursas da quella entras derasaziun da virus e malware
- diever dalla reit da scola per donnegiar e devastar autras reits

Art. 13 Activitads cun survigilanza

Suandontas applicaziuns (apps) ed activitads astgan vegnir exequidas mo cun survigilanza e lubientscha dalla persuna d'instrucziun:

- il diever da chat(s) e newsgroups astga vegnir duvraus mo cun lubientscha dalla persuna d'instrucziun per pensums specifics
- la persuna d'instrucziun astga era scumandar da scargar cert material
- la persuna d'instrucziun ei responsabla ch'il material cunterfetschi buc al dretg d'autur
- plattas externas (era stics dad USB), DC's e DVD's

Agens downloads da scolaras e scolars ein scumandai.



Art. 14 Segirtad en la reit

Per francar che las scolaras/ils scolars semovien en parts adequatas dil internet e ch'els seigien buc exponi al prighel da cyber:

- san las personas d'instrucziun far emprovas e controllar da tut temps il decuors dil browser e dil cuntegn dils Apple MacBook Pro's
- astga il decuors dil browser (e cheutras l'eliminaziun da fastitgs) mai vegnir stizzaus
- suttascrivan ils geniturs in contract davart il diever acceptabel dils Apple MacBook Pro's

Art. 15 Pensums dils geniturs

Ordeifer la scola ein ils geniturs responsabels che lur affons semovien a moda segira egl internet. La scola sa bein informar davart rescas pusseivlas, denton support pigl internet a casa sa ella buca porscher. Ils geniturs san s'informar tier il responsabel per TIC ni tier las personas d'instrucziun sch'els giavischan dapli informaziuns davart protecziun tecnica pli segira, litteratura ed auter. Informaziuns detagliadas ein d'anflar sut:

<http://www.jugendundmedien.ch/>.

Art. 16 Diever da cameras

Il diever da cameras ha liug mo cun lubientscha e survigilanza dallas personas d'instrucziun. Igl ei strictamein scumandau da fotografar ni filmar conscolaras, conscolars, personas d'instrucziun ni tiarzas personas en zulers, sigl areal da scola ni sils viadis da scola e cargar tal material silla reit.

Art. 17 Consequenzas disciplinaras

Surpassaments encunter ils artechels numnai en quei reglament vegnan castigai rigurusamein.

Ultra da quei san las consequenzas disciplinaras includer ils suandonts pass:

- scamond da duvrar igl Apple MacBook Pro ordeifer la scola
- restricziuns da duvrar igl Apple MacBook Pro en scola
- scamond total da luvrar cugl Apple MacBook Pro
- negin access agl internet
- grevs surpassaments tenor artechel 11 san vegnir annunziai alla polizia

Art. 18 Vigur

Quei reglament entra en vigur cun l'entschatta dil onn da scola 2017/ 2018. El ei vegnius approbaus dil cussegl da scola dil Consorzi da scola Sumvitg-Trun en sia seduta dils 17 d'uost 2017.

Ils geniturs/responsabels d'educaziun da (num/prenum dalla scolara/dil scolar)

.....

declaran dad haver priu per enconuschientscha e da sustegner il cuntegn da quest reglament.

Trun, ils.....

Num/prenum

Suttascripziun

.....

.....

